


山谷全集 外集

十四

内閣文庫			
番號	漢	17781	
冊數	36 (14)		
函號	119	1	



綴じ部(喉部分)の文字など開きが不鮮明な箇所あり

豫章黃先生外集第三

黃庭堅曾直

古詩六十六首

答王道濟寺丞觀許道寧山水圖

過家

二家

明叔知縣和示過家上冢二篇輒復次韻

次韻叔父聖謨詠鷺遷谷

說清水巖呈郭明叔并序

次韻清水巖

次韻章禹直開元寺觀畫壁兼簡李德素

聽崇德君鼓琴

次韻答楊子聞見贈

食筍十韻

蕭巽葛敏修二學子和予食筍詩次韻答之

胡朝請見和食笋詩輒復次韻

寄李次翁

題高君正適軒

奉送周元翁鑠吉州司法聽赴禮部試

寄晁元忠十首

次韻周法曹游青原山寺

答永新宗令寄石耳

喜知命弟自青原歸

寄張宜父

高至言築亭於家圃以奉親摠其觀覽之富命

曰溪亭乞余賦詩 彫陂

幾復寄檳榔且答詩勸予同種復次韻寄之

元翁坐中見次元寄到和孔四飲王堯正家長韻

再次孔四韻

三月乙巳來賦鹽萬歲鄉二首

四月戊申賦鹽萬歲山中仰懷外舅謝師厚

上權郡孫承議

寄懷元翁

對酒次前韻寄懷元翁

奉答茂衡惠紙長句

雜言贈羅茂衡

長句謝陳適用惠送吳南雄所贈紙

次韻吉老遊青原將歸

次韻知命永和道中

飲潤父家

次前韻寄潤父

送酒與周法曹用贈潤父韻

癸丑宿早禾渡僧舍

宿觀山

上大蒙籠

勞坑入前城

乙卯宿清泉寺

丙辰仍宿清泉寺

丁巳宿寶石寺

已未過太湖僧寺得宗汝爲書

庚申宿觀音院

辛酉憩刀坑口

金刀坑迎將家待追漿坑十餘戶山農不至因

題其壁

追憶予泊舟西江事次韻

以十扇送徐天隱

聞致政胡朝請多藏書以詩借書目

次韻郭明叔長歌

吾王道濟寺丞觀許道寧山水圖

往逢醉許在長安蠻溪大硯磨松煙忽呼絹素翻硯水久
不下筆或經年異時踏門闢白首巾冠欹斜更索酒舉杯

意氣欲翻盆倒臥虛樽將八九醉枯筆墨淋漓勢若山
崩不停手數尺江山萬里遙滿堂風物冷蕭蕭山僧歸寺
童子後漁伯欲渡行人招先君笑指溪上宅鸕鷀白鷺如
相識許生再拜謝不能元是天機非筆力自言年少眼明
時手揮入幅錦江絲贈行卷送張京兆心知李成是我師
張公身逐銘旌去流落不知今主誰大梁畫肆閱水墨我
君槃礴忘揖客蛛絲煤尾意昏昏幾年風動人家壁雨雪
泫泫滿寺庭四圖冷落讓丹青笑詎肆翁十萬錢卷付騎
奴市盡傾王丞來觀皆失席指點如見初晝日四時風物
入句圖信知君家有摩詰我待此圖二十年眼見綠髮皆
華顛許生縮手入黃泉衆史弄筆摩青天君家枯松出老
翟風煙枯枝倚崩石蠹穿風物君愛惜不誣方將有人識

過家

絡繹聲轉急。田車寒不運。兒時手種柳。上與雲雨近。舍旁
舊傭保。少換老欲盡。宰木鬱蒼蒼。田園變畦畛。招延屈父
黨。勞問走婚親。歸來翻作客。顧影良自哂。一生華託水。萬
事雪侵鬢。夜闌風墮霜。乾葉落成陣。燈花何故喜。大是報
書信。親年當喜懼。兒齒欲毀齧。繫船三百里。去夢無一寸。

上冢

自公返蓬華。稅駕上丘壘。霜露此日悲。松楸十年拱。養鷄
數毛羽。初不及承奉。康州斷腸猿。風枝割永痛。一作風樹終日痛
少斗不如人。登仕無前勇。髮踈齒牙搖。鯨波怒號洶。願為
保家子。敢議世輕重。稱觴太夫人。魚菜膳庖供。

明叔知縣和示過冢上冢二篇輒復初韻

敝邑荷佳政。耕桑及時運。令君平生歡。遠別喜親近。吾友
徐光祿。死戰萬事盡。不見東陵侯。唯見瓜連畛。且當置是
事。椎牛會賓親。百年共如此。破涕作嘲哂。枯荷野塘水。照影
驚顏鬢。功名黃梁炊。成敗白蟻陣。少時無老境。身到乃盡
信。此來見抱子。別日多未齒。夜闌如夢寐。寒燭泣餘寸。
女蘿上杉松。野葛蔓畦壟。蛛絲網祠屋。芝菌生畫拱。去國
二十年。雪涕夙嚴奉。更歷飽艱難。抑搔知痒痛。聞道下士
笑。轉物大人勇。平生隨風波。歸來夢猶洶。持此寸草心。負
荷九鼎重。柔嘉無牛羊。保身以為供。

次韻叔父聖謨詠鷺遷谷

鴉舊頗強聒。僕姑常勃磔。黃鳥懷好音。秋菊染春衣。嚶嚶
求朋友。憂患同一枝。提壺要酤我。杜宇賦式微。黃鳥在幽

谷誦光養羽儀晴風曜桃李言語自知時先生丘中隱喬
木見雄雌引子遷綠陰相戒防禍機李杜死刀鋸陳張怨
棄遺不如聽黃鳥永晝客爭棋

詠清水巖呈郭明叔并序

清水巖號爲天下勝處去縣庭才二十里一山空洞如
覆青玉盃也寒泉在其間甚壯急至巖口伏流入石鼻
中巖下有石鍾鼓磬其聲清越不歇袞袞跑跑能驚動
人世間金革聲亦不足道也巖前平行略可坐千人不
審旌旆嘗因公事一游否

嘗聞清水巖空洞極明好虎狼僊部曲鍾鼓天擊若雲生
臥龍石水入鍊丹竈有意携管絃山祇應洒掃

次韻清水巖

西安封域中清水巖泉好金堂茂芝木仙史書
人已往千古道并竈雙兔能來游俗子跡可掃

次韻章禹直開元寺觀畫壁兼簡李德素

丹青古藏壁風雨飽侵食拂塵開藻鑿志士淚零臆靈山
遠飛來不可以智測龍神湛回向擁衛立劔戟依稀吳生
手在旆略可識鴻濛挿樓殿毫髮數動植廣林瞻二聖有
衆拱萬億飛行湊六合攬取著一席人人開生面絕妙推
心得李侯天機深指點月所及三生石上夢天樂鳴我側
幽尋前日事晦明忽復易章生南溟鵬籠檻鎖六翮能同
寂寞遊濁酒聊放適西風葉蕭上蟋蟀依墻壁家無萬金
產四鄰堪聲急藜羹傲鼎食藍縷亦山立並船有歌然於
白眉黛黑期公開顏笑醉語雜翰墨不須談俗事祇令人

氣塞

聽崇德君鼓琴

月明江靜寂寥中。大家斂袂撫孤桐。古人已矣古樂在。髮雅頌之遺風。妙手不易得。善聽良獨難。猶如優曇華。詩一出世間。兩忘琴意與。已意迺似不著十指彈。彈心默。三淵靜。幽谷清風淡。相應絲聲誰道不如竹。我已忘言。真性罷琴窓。外月沉江。萬籟俱空。七絃定。

次韻荅楊子聞見贈

金盤厭飲五侯鯖。玉壺澆潑郎官清。長安市上跡不也。左右明粧奪目精。結交賢豪多杜陵。桃李成蹊臥落英。黃髮今為白下令。故知難蒼顏。只使故人驚。督郵小吏皆趨。陽春白雪分香簪。楊君青雲貴公子。歎嗟薄領困書生。贈

我新詩甚高妙。淚斑枯。笛月邊橫。文章不直一杯水。老矣忍與時人爭。江城歌舞聊得醉。但願數有美酒傾。莫要朱金纏縛我。陸沉世上貴無名。

食笋十韻

洛下斑竹笋。花時壓鮮菜。一束酬千金。掉頭不肯賣。我來白下聚。此族富庖宰。爾粟戴地翻。殺鯨觸墻懷。臍臍入中厨。如償食竹債。甘藟和。菌耳辛膳。脯薑芥烹鵝。雜股掌炮鱉。亂翬介小兒。陸不美。鼠壤有餘。噉可貴。生於少。古來食共噫。尚想高將軍。五溪無人采。

蕭巽葛敏修二學子和子食筍詩次韻荅之

北饌厭羊酪。南庖豐笋菜。自北初落南。幾為兒所賣。習知價廉平。有態事烹宰。鹽晞枯腊瘦。蜜漬真味壞。就根煨茁

美豈念炮烙債咀吞千畝餘胃次不薑芥二妙各能詩才
名動江介詩論多佳句膾炙其我最因君思養竹萬籟聽
秋噫從此繕藩籬下令禁漁采示漁下書
韭黃照春盤菰白媚秋菜惟此蒼竹苗市上三時賣江南
家家竹翦伐誰主宰半以苦見疎不言其易壞葛陂雕龍
睡未索兒孫債懶膽能分杯虎魄妙拾芥此物於食殺如
客得儂介思入帝鼎烹思遭飢涎暈懶林供翰墨礎旂風
號噫每下歎枯株焚如落樵采

胡朝請見和食笋詩輒復次韻

入笑庾郎貧滿胸飯寒菜春盤食柏動笋茁入市賣回首
萬錢厨不羨廊廟宰民生暫神奇胞雋伐性壞忍持芭蕉
身多負牛羊債箠罷不称冤易致等十芥蕭蕭煙雨姿壯
士持戈介駢頭沸鼎烹可口垂涎噉霜叢負後凋玉食香
餘噫讀詩無全功對菲儻可采

寄李次翁

雨斷山川明花深鳥鳥樂枯骨不露名古今同一整唯有
在世時聊厚不為薄南箕與北斗親友多離索斯文如舊
歡李侯極磊落頗似元魯山用心撫疲弱不以民為梯俯
仰無所作胸中種妙覺歲晚期必獲然膏夜讀書見聖宜
有作文字寄我来官郵遠飛稟世緣心已死儻得萬金藥

題高君正適軒

至靜在平氣至神惟順心道非貴與賤達者古猶今功名
屬廊廟閒暇歸山林畜魚觀羣嬉籠鳥聽好音不如一丘
壑隨願得飛沉開門納日月呼客解纓簪詩書撫塵迹歌

舞送光陰妖嬈傾國笑絲竹感入深豁然開胃次風至獨披襟樊籠鎖形質物外有幽尋

奉送周元翁鎖吉州司法廳赴禮部試

江南江北木葉黃五湖歸鴈天雨霜繫船湓城秣高馬客丁結束女縫裳貢書登名徹未央不比長卿薄遊梁南山霧豹出文章去取公卿易驅羊與君初無一日雅傾蓋許子如班揚囚拘官曹少相見忽忽歲晚稼滌場一盃僚友喜多在謝守不見空澄江澄江如練明橋柳萬峯相倚摩青蒼莫堂醺醺客被酒艷歌聒醉燭生光推鼓發船星斗白明日各在天一方寒鷗滿枝二橋宅樽前願曲憶周郎鱸魚斫膾蔗為漿恨君不留誰與嘗殿前春風君射策漢庭諸公必動色故人若問黃初平將作金華牧羊客

寄晁无忠十首

國工裁白壁巧冶鑄干將成爲萬乘器貫日吐寒光其誰

湔拂汝歲月海生桑蛛網連城玉苔生百鍊剛

子雲賦逐貧退之文送窮二作雖類俳頗見壯士胸晁子行問津欲濟無山窮著書蓬蒿底端有古人風

沙擁大江水泥封函谷關古水世上推宰木風雨寒魯儒守一經亦有澗谷繁何事窮愁極江南庾子山

河清無人待蘭芳無人采山空露團團高蔓石磊磊世有傾國媒一笑珠百琲往時彌處士顛倒孔北海

楚宮細腰死長安眉半額比來翰墨場爛漫多此色文章本心術萬古無轍迹吾嘗期斯人隱若一敵國

北書來無期鴈不到梅嶺欲逐雙鯉魚楓葉江路永平生

中心願福短不獲騁富貴安可為吾亦有岑鼎
濟岱有佳人肌膚若冰雪我願從之遊補我黥與劓子不
解人嗔真成一癡絕襟社定頽然聊用神吾拙
山公濼涇渭濟冲遭鑒賞代豈無若人吹嘘青雲上念君
如濟水抱清伏泉壤行潦酌尊彝吾猶恃源往
蛾眉在蒿萊金玉千里音遙思既生塵汗漫觀古今沉真
驚人句摹寫詠時禽無為愁肝腎君子要剗心
臨川往長懷神交可心晤文章不經世風期南山霧化蟲
哦四時悲喜各有故吾獨無間然子規勸歸去

次韻周法曹游青原山寺

市聲故在耳一原謝塵埃乳竇響鍾磬翠峯麗昭回俯看
行磨蟻車馬度城隈水猶曹溪味山自思公開浮圖躡金

碧廣厦構壞材蟬蛻三百年至今猿鳥哀祖印平如石有
句非險崖心花照十方初不落梯階我行暝託宿夜雨滴
華穢殘僧四五輩法筵歎塵埋石頭麟一角道價直九垓
廬陵米貴賤傳與後人猜曉躋上方上秋媵亂萁艾寒藤
上老木龍蛇委筋骸魯公大字石筆勢欲崩摧德人曩來
游頗有嘉客陪憶當擁旌旗千騎相排颺且復歌舞隨絲
竹罵煩哇事如飛鴻去名與南斗偕松竹吟高丘何時更
能來回首翠微合于役王事催猿鶴一日雅重來尚徘徊

彈本袁字韻下有兩句云
蓮子委箭鏃萎花不金杯

答承新宗令寄石耳

飢欲食首山薇渴欲飲潁川水嘉禾令尹清如水寄我南
山石上耳筠籠動浮煙雨姿淪湯磨沙光陸離竹萌粉餌

相發揮，芥薑作辛和味宜。公庭退食飽下筋，把菊避席遺
萍蘼。鴈門天花不復憶，况乃鷓鴣與楮雞。小人藜羹亦易
足，嘉蔬遺餉荷眷私。吾聞石耳之生常，在蒼崖之絕壁。苦
衣石腴風日炙，捫蘿挽葛採萬仞。不足委骨豺虎宅，佩刀
買犢劔買牛，作民父母今得職。閔仲叔不以口腹累安邑，
我其敢用鮭菜煩嘉禾。願公不復甘此鼎，免使射利登嵯
峨。

喜知命弟自青原歸

爲吏困米鹽，曲肱夢靈泉。諒非調鼎手，正覺荷鋤便。在公
雖勤苦，歸喜反山禪。去我忽數日，草蟲傍牀煎。屋角烏鳥
樂，行輿響檐肩。包餅分柿栗，兒女鬧樽前。白紵統袒塔香
筒，青原煙玄珠一百八。夜紉湘縷穿高林，風落子老僧選。

霜堅袖中出新詩，山水含碧鮮。五言吾老夫，佳句付惠連。

寄張軍父

建德之國有佳人，明珠爲佩玉爲衣。去國三歲阻音徽，所
種桃李民愛之。射陽城邊春爛熳，柳暗學宮烏相喚。追隨
棗馬多少年，獨忍長飢把書卷。讀書萬卷不直錢，一作筆
逐貧不去與忘年。一作虎豹文章被禽縛，何如達生自娛
樂。

高至言築亭於家園，以奉親。摠其觀覽之富命曰
溪亭。乞余賦詩，余先君之弊廬望高子所築，不遇
十牛鳴爾。故余未常登臨，而得其勝處。

逸人生長在林泉，更築亭臯名意在明月清風共一家。全
以山川爲眼界，鳥度雲行閱古今。溪濱木末聽竽籟，老夫

平生行樂處只今一作許公系一派

彫陂

彫陂之水清且泚屈為印文三百里呼船載過七十餘寨
裳亂流初不記竹輿嘔啞山徑涼僕姑呼婦聲相倚篁中
猶道泥滑滑僕夫慘慘耕夫喜窮山為吏如漫郎安能為
人作嚆矢老僧迎謂喜我來吾以王事為行李知民虛實
應縣官我寧信日不信耳僧言生長八十餘縣今未曾身
到此

幾復寄擯榔且答詩勸子同種復次韻寄之

少來不食蟻血漿老去得意漆園方鑑中已失兒時面忍
能乞與兵作郎

元翁坐中見次元寄到和孔四飲王慶王家長韻

因次韻率元翁同作寄湓城

兩罷山澤明日長花柳困游絲上天衢觀物得無悶時從
顧曲人筭饌酌春醞季子未識面想見眉目俊新詩如鳴
絃快讀開鄙吝銅官魯諸生事道三無愠比來工五字句
法妙何遜枯棊覆吳圖青簡玩秦燼葉暗黃鳥時風號報
花信遙仰吟思苦江錦割向盡應煩王公子又破黃封印

次孔四韻寄懷元翁兄弟并致問毅甫

書帙蠹魚乾爐香眠鴨困佳人來無期詩句耳排悶這知
鳥衣游棊局具肴醞爭道嘲不恭鑿兵勞得後頗尋文獻
盟不落市井吝四月明朱夏南風解人愠風前懷二陸家
法窺抗遜身有三尺桐爨下得餘燼端可張洞庭寥闊世
未信為我謝孔君舉酒取快盡世故安足存青天飛鳥印

三月乙巳來賦鹽萬歲鄉且蒐獮匿賦之家晏飯
此舍遂留宿是日大風自採菊苗薦湯餅二首
飛廉決雲開白日頓撼天地萬竅號按菘桃李欲淨盡乞
與游絲百尺高
幽叢秀色可攬擷煮餅菊苗深注湯飲水食藥浪自古摩
挲滿懷春草香

四月戊申賦鹽萬歲山中仰懷外舅謝師厚

只今漢龐公白髮佐州郡窮通視寒暑仕已誰喜愠長松
臥澗底桴雷多裂壘朱須論才難世人無此韻禪悅稱性
深語端入理近渙若開春水起然聽年運臨民秉三尺朱
墨不可吝傳聞但言歸心許手自隱欲知南陂稻得幾就
收据胥疏江湖濱不邇金玉訓濡需且肉食殼棘恐鍾鬻
龍移山發洪虎乳月生軍竹聲寒夏簟輟腹中夜聽寄聲
向鹿門儻賜勞苦問

上權郡孫承議

公家簿領如鷄棲私家田園無置錐真成忍罵加滄飯不
如江西之水可樂飢它人勤拙猶相補身無功狀堪上府
公誠遣騎束縛歸長隨白鷗臥煙雨

寄懷元翁

歲年豐稻杭井邑盛煙火北園曾未窺玉事方勤我花枝
互低昂鳥語相許可觀物見歸根撫時終宴坐搔首望四
鄰諸賢皆最課極工簿領書甚辦米鹽顆平生短朱墨吏
考仰丞佐初無公侯心骨相本寒餓明窓懷玉友清絕吟
楚此念君方坐曹無因奉虛左

對酒次前韻寄懷元翁

花光漸寒食木燧催國火沽酒為勸人懷賢吾忘我事往
惰甌休心知求田可人不在眼樽俎思促坐有生常倥
惚無暇天所課不鮮聞健飲我成一蓬穎泥釣埏萬物寒
暑勤五佐豈其懷愛憎私使我窮餓醉魂招不來浪下巫
陽此夢成少年嬉走馬章臺左

奉荅茂衡惠紙長句

陽山老藤截玉肪烏田翠竹避寒光羅侯包贈室生白明
於機上之流黃愧無南征鬣尾手為寫黃門急就章羅侯
相見無雜語苦問為山有無句春草肥牛脫鼻繩旅蒲野
鴨還飛去故將藤面乞伽佗願草驚地起風雨長詩說紙
落秋河要知溪工下手處却將冰幅展似君震旦花開第

祖烏田一作烏孫

雜言贈羅茂衡

嗟來茂衡學道如登欲與天地為友欲與日月並行萬物
崢嶸本由心生去子之取舍與愛憎惟人自縛非天黥
子筋骨堂堂法窟九丘四溟同一眼精不改五官之用而
透清色常為萬物之宰而無死生念子坐幽室爐香思青
冥是謂繫蟲欲作吾驚之以雷霆

長句謝陳適用惠送吳南雄所贈紙

廬陵政事無金牛恐是漢時陳太丘書記姓名不肯學得
紙無異夏得裘琢詩包紙送贈我自狀明月非暗投詩句
縱橫剪宮錦惜無阿買書銀鈎蠻溪切藤卷盈百側釐羞
滑璽羞白想當鳴杵砧面平枕柳葉風溪水碧千里鵝毛

意不輕瘴衣腥膩北歸客君侯謙虛不自供胡不贈世文
章伯一涔之水容牛蹄識字有數我自知小時雙鉤學楷
法至今兒子憎家雞雖然嘉惠敢虛辱煮泥續尾成大軸
寫心與君心莫傳平生落魄不問天樽前花底幸好戲爲
君絕筆謝風煙已無商頌猗那手請續南華內外篇

次韻吉老遊青原將歸

欣欣林臯樂賞心天際翔清樽鱗魴鯉朱果實圓方醉罷
聽疎雨念寒夢國香雨餘山吐月的灤滿簾霜展轉復展
轉鍾魚曉琅琅思歸笑迎門兒女扶相將

次韻知命承和道中

靈骨閔金鏤梵宮超玉繩道人往香火獨先問靜行呼船
久無人月沉河漢頭虛舟不受怒故在蓼灘

飲潤父家

齋閣寒麝薰書帙映斜景偶來樽俎同延此笑言頃宮線
添尺餘朝來日未永一醉解語花萬事畫地餅要似虎頭
癡何須禱里瘦

次前韻寄潤父

昏昏迷簿領勿勿責營景嘗盡身百憂訖無田二頃喜從
吾宗遊九里河潤水呼兒跪酒樽成婦饌湯餅老夫何取
焉君悅甕盎瘦

送酒與周法曹用贈潤父韻

遙知謝法曹詩句多製景聞道學書勤墨池方一頃大字
甚未道小字逼智永我有何郎樽清江醢玉餅還書及寺
數與君酌楠瘦

癸丑宿早禾渡僧舍

城頭渡可涉早禾渡可輟試問安用舟春水三丈餘是維
一都會駟僮權征輸鬱鬱多大姓儒冠頗詩書以武斷鄉
曲舊俗小未除厭置謝近市新絕得僧區此地美水竹林
明兒浴兒相追噍淩藻天樂非世娛憶在田園日放浪友
禽魚今來長山邑忍飽撫惻孤出入部曲隨咳唾吏史趨
形骸束簪笏可意一事無謀生理未拙仰愧擁腫樗曲肱
晴簷底結網看蜘蛛

宿觀山

莫發白丁地暝投觀山宿橫溪赤欄橋一徑入松竹野僧
如鷲鷹避堂具燈燭我眠興視夜部曲始炊熟覓水煙際
高僧籟入秋木平生蕭洒興本願終澗谷世累漸逼人如
垢不醜沐已成老翁為作吏長碌碌

上大蒙籠乙卯晨起

黃霧冥冥小石門苔衣草路無人迹苦竹參天大石門虎
迹兔蹊聊倚息陰風搜林山鬼嘯千丈寒藤繞崩石清風
源裏有人家牛羊在山亦桑麻向來陸梁媠官府試一作
呼使前問其故衣冠漢儀民父子吏曹擾之至如此窮鄉
有米無食鹽今日有田無米食但願官清不愛錢長養兒
孫聽驅使

勞坑入前城乙卯飯後

刀坑石如刀勞坑人馬勞窈窕篁竹陰是常主逋逃白狐
跳梁去豪猪森怒嗥雲黃覺日瘦木落知風餐輕軒息源
口飯羹煮溪毛山農驚長吏出拜家騷騷借問淡食民祖

孫其舖糟賴官得鹽喫政苦無錢力

乙卯宿清泉寺

稅輿陟高岡却立倚天壁就輿亂清溪轉石飛霹靂十步
一沮洳五步一棘棘上方未言返豁見平土宅田家鷄犬
歸佛廟檀欒碧蓮蕩落紅衣泉泓數白石人如安巢鳥稍
就一板息鍾魚各知時吾亦自得力

丙辰仍宿清泉寺

山農居負山呼集來苦遲既來授政役謠詠謂余欺按省
其家資可忍鞭扶之恩言諭公家疑阻久迺隨膝口終自
愧吾敢乏王師官寧憚淹留職在拊婢發所將部曲多溷
汝父老爲西山失半壁且復下囊輜啼鴉散篇帙休吏稅
巾衣石泉鼓坎坎竹風吹參差書伶行蝟蠹壁蟲催杼機

昏缸夜未央高枕夢登臺

丁巳宿寶石寺

鍾磬秋山靜爐香沉水寒晴風蕩濛雨雲物尚盤桓淪茗
赤銅椀斲泉蒼煙竿紅榴罇玉房公橘委金丸枕簟已思
煥飯羹可加食觀已自得方談玄舌本乾理窟乃塊然世
故浪萬端牛刀經肯綮古人貴守官摩澤發劓手考此一
丘槃

已未過太湖僧寺得宗汝爲書寄山蕘白酒長韻
詩寄荅

從學晚聞道謀官無見功早衰觀水鑿內熱愧鄰邦北鄰
有宗侯治劇乃雍容摩手撫鱗寡藁礎強梁桃李與荆
棘稱物施露霜政經甚縝密私不虬蟬通吏舍無請賊家

有侯在堂府符下監策縣官勸和羹作民敏風雨令先諸
邑行我居萬夫七闡情世無雙此邑宅巖巖里中頗秦風
翁媪無恙時出分如蜂房一錢氣不直白挺及父兄簪筆
懷三尺揖我為我臧向來豪傑吏治之以牛羊我不忍敵
民教養如兒甥荆雞伏鵠卵久望羽翼成訟端洶洶來諭
去稍聽從尚餘租庸調歲歲替法程按圖索家資四壁蓬
牖窻揜目鞭朴之桁楊相推振身欲免官去駑馬戀豆糠
所以積廩鹽未使戶得烹八月醜社酒公私樂年登遣待
與會誓而悉走菽豎吾惟不足遣夙駕略我疆邑西軼戾
地是嘗嬰吾鋒齟齬其強宗彼乃可使令夙夜于遠郊草
露沾衣衣入磴復虎尾門籬觸薑芒借問夕何宿煙邊數
峯插松竹不見天蟠空作秋峰谷鳥溪溪頻合絃琵琶箏
稅駕乳石間巖寺鳴疎鐘山巖頗來服見其父之貧苦辭
王賦遲戶戶無積藏民病我亦病呻吟達三更韻為誦書
語一作書行歌一作書狂舉鞭問嘉禾秣馬可及城惜我憂
城旦不得對榻沐漂筆付飛鳥北風吹報章書回銀鈞壯
句與麝煤香浮蛆煖官醅傾壺嫩鵝黃山氣常翳翳此物
可屢觴預藥割紫藤開籠喜手封味温頗宜人毛以石飴
薑舉盃引藥糜詠詩對寒江寄聲甚勞苦相思秋月明我
邑萬戶鄉其民資囂凶欲割以壽公使之承化光反以來
壽我中有吞舟鯨銅墨俱王命職思慰孤惇何時賭一擲
燒燭呪明瓊

庚申宿觀音院

谷底一盤落地形如盃盃接題相照耀其民頗家温土風

甚於秦不可借金甌音僧屋無陶瓦剪茅蒼竹樊借問僧
安在乞飯走諸門人關鳥鳥語簟涼風水旁有蜂蜜廬
頗聞衙集喧將雨蟻爭丘鑿兵復追奔紅英委鳳翼赤幘
我雞冠汲烹寒泉窟伐燭古松根相戒莫浪出月黑虎變
藩

辛酉憩刀坑口

羣山黛新染蒙氣寒鬱鬱掃除迎將家下筆脫中鞵南北
舍小崇况可清煩曷鳥聲廢晝眠聊以休吏卒竹雞苦喚
人覺坐觀法窟無外同一家惟已非萬物清波兩鴛鴦善
將且能沒驚人相追飛甚念夫其匹春鈕貌閒暇羨魚情
至骨廣道策堅良熙熙集於死爛額始論功儻能謀曲突
金刀坑迎將家待追將坑十餘戶山農不至因題

其後

窮鄉阻地地竹嘯夔魑惡少擅三窟不承吏追呼老翁
燕無凶偃蹇坐里閭後生集聞見官不禁權輿懷書序長
吏持杖鑿公徒遂令五百里化為豺豕墟古來沉牛羊檄
水臣鯉魚猛虎剝文章矧而民髮膚哀哉奉其身曾不如
鳥烏破家縣令手南面天子除要能伐強梁然後活惇孤
屬為民父母未教忍先誅山川甚秀拔人物亦詩書卜室
有忠信此鄉何獨無

江西泊舟後作

太和小舫政上莆田李才甫

江水冥冥沙石陰一舸行盡春已深浪花綠蔓曳錦帶短
蘆刺水抽玉簪飢魚未沉波面筒小舫正橫溪上風清輝
濯淨遠山碧白鳥飛入蒼煙叢

追憶予泊舟西江事次韻

老大無機如漢陰白鳥不去相知深往事刻舟求墜劍懷
人揮淚著直略亡簪城南鼓罷吹畫筒城北歸帆落晚風
人煙大吹西山麓鬼火狐鳴春竹叢

以十扇送徐天隱

人貧鵝鴈眙隣墻公貧琢詩聲繞梁坐客有氈吾不愛暑
榻無扇公自涼黨錮諸君尋孺子建安七人先偉長遣奴
送筵非為好恐有佳客或升堂

聞致政胡朝請多藏書以詩借書目

萬事不理問伯始籍甚聲名南和和遠孫白頭坐郎省乞
身歸來猶好書手抄萬卷未閣筆心醉六經還倚和願公
借和藏書目時送一鷗開鑠魚

次韻郭明叔長歌

君不見懸車劉屯田騎牛澗壑弄潺湲八十唇紅眼點漆
金鐘舉酒不留殘君不見征西徐尚書為國捐軀矢石間
龍章鳳姿委秋草天馬長辭十二閑何如高陽酈生醉落
魄長揖輟洗驚龍顏丈夫當年傾意氣安用蚓食而蝸跬
古人已作泉下土風義可想猶班班郭侯忠信如古人薦
書飛名上九關詩書自可老斷輪智略足以解連環銅章
在宰山水縣友聲想求不我頑鵬翼垂天公直起燕巢見
社身思還文思舜禹開言路即看承詔著身冠尚趨手扳
事直指少忍吏道之多艱黃花零落一尊酒別有天地非
人寰

豫章黃先生外集第三

豫章黃先生外集第四

黃庭堅魯直

古詩七十六首

和荅魏道輔寄懷十首

代書

寄陳適用

奉送時中攝東曹獄掾

次韻和荅孔毅甫

再用舊韻寄孔毅甫

寄題安福李令適軒 寄題安福李令先春閣

和孫公善李仲同金櫻餌唱酬二首

寄題安福李令愛竹堂

二月二日晚夢會於廬陵西齋作寄陳適用

次韻周德夫經行不相見之詩

寄傅君倚同年

次韻章禹直魏道輔贈荅之詩

次韻道輔雙嶺見寄三疊

次韻道輔旅懷見寄 寄餘干徐隱甫

次韻秋郊晚望

八月十四日夜刀坑口對月奉寄王子難子聞

通用

贈王環中

戲和丁寺丞宅王醇老木

贈朱方李道人

戲題曾處善尉廳二首

寄上高李令懷道

謝文灝元豐上文彙

讀方言

送昂上座歸成都

送彥亭主簿

寄朱樂仲

從王都尉覓千葉梅云已落盡戲作朝吹笛侍兒

次韻子瞻書黃庭經尾付筵道士

次韻叔父東仲送夏君玉赴零陵主簿

謝曹子方惠二物二首

送曹子方福建路運判兼簡運使張仲謀

戲贈曹子方家鳳兒 題老鶴萬里心

題韋偃馬

子瞻題狄司進雪林石屏要同作

和曹子方雜言

送張材翁赴秦簽

摩詰畫

和劉景文

寄忠玉提刑

送呂知常赴太和丞

和荅莘老見贈

老杜浣花谿圖引

奉謝劉景文送團茶

謝景文惠浩然所作廷珪墨

奉和公擇舅氏送呂道人研長韻

再和公擇舅氏雜言 次韻荅王四

題畫鵝鴈二首 送六十五弟貢南歸

贈陳師道 松下淵明

十四弟歸洪州賦莫如兄弟四章贈行

題李夫人偃竹 贈吳道士

戲荅仇夢得承制 和任夫人悟道

和荅魏道輔寄懷十首

堂堂陽元公人物妙晉東魏侯多能事髣髴見家風長魚
無波濤坐與蝦蟇同諸山搖落盡旅食歲時窮

平生弄翰事半九州天未逢故人園蔬當肴羞酒闌

豪氣在尚欲推肥牛虞卿不窮愁後世無春秋

雷行萬物春天震而地撼閉塞成冬冰楚越自肝膽貂狐

諒柔温藜藿自羹糝相思牛羊下城鼓寒統統

劍埋豐城獄氣與斗牛平皇明燭九幽前夜用神兵誰言

黃沙磧矢盡鼓不鳴至今門下士落涕為荊卿

別時燕辭屋草黃秋半分今來冬至稍添刺繡文百年

幾會合美酒不屢醺犀牛可乞角窮士難薦論

排江鬼瞰室貫朽粟紅塵君行誰為容款門定生嗔諒無

緜袍故盡是白頭新天涯阿介老有鼻可揮斤

赤豹負文章歲晚智剗剗渴飲南山霧飢食西山蕨封狐

託脂澤眉頰頗秀發時時一樽酒婆娑弄風月

猛虎倚山號強梁不敢前失身檻穽間搖尾乞人憐男子

要身在萬金自保全雲黃雉兔伏霜鷓莫空拳
生涯共七十去日良已半短長相缺望面一作盡酒可斷
大道體甚寬窘束非達觀莫問夜如何醉從鷄號旦
明駝思千里駑馬怯負荷小人蠹詩書安樂北窻臥瓢空
且乞飯兒寒教補破機巧生五兵百拙可用過

代書

阿熊去我時秋暑削耳瓜離別日月除蓮房倒箭戟得書
報平安肥字如栖鷓汝才踞鑪金自必為鎔鄒窮年抱新
書挽條咀春葩弄筆不能休屈宋欲作衙屈指推日星許
身上雲霞安知九天關虎豹守夜叉視田操豚蹄持狹所
欲奢文章六經來汗漫十牛車譬如觀滄海細大極龍蝦
古人以聖學未肯廢百家舊山木十園齋堂綠陰遮紅稻

香盃飯黃鷄獸食鮭摩沙子垂腹腹頗復讀書耶念汝齒壯
矣無婦助烹茶父兄亦憐汝頃兒牧犬豕且伐千章材贈
行當馬過羸糧果後時定隨八月槎覺民在中林丁丁聞
兔置奉身甚和友幹父辨咄嗟臺源吟松籟先生岸中紗
留客醉風月槃筍供柔嘉仍工朱絲絃洗心拂竒邪孤臣
發楚調傾國怨胡笳把筆學周鼓冢形錐畫沙詩書乃甫
好不為蓬生麻元明祖師禪妙手發琵琶已無富貴心鼓
吹一池蛙天民服農圃頗復秋斂賒下田督耒耘入頌按
新畬悉力輸王賦至今困生涯知命叔山徒爐香嚴佛花
唯思苾芻園脫冠著袈裟起家望兩季佩金跼朝鞞嘉魚
在南國宗廟薦鱸鯊我為萬夫長朝論不齒牙刺頭薄領
中蚤虱廢搔爬世界已纏縛官箴易疵瑕何時煙雨裏驅

羊入金華遣奴迫王事不暇學驚蛇李作草

寄陳適用

日月如驚鴻歸燕不及社清明氣妍暖疊疊向朱夏輕衣
頗宜人裘褐就施架已非紅紫時春事歸桑柘空餘車馬
跡顛倒桃李下新晴百鳥語各自有匹亞林中僕姑歸苦
遭拙婦罵氣侯使之然光陰促晨夜解甲號清風即有幽
蟲化朱墨本非工王事少閑暇幸蒙餘波及治郡得黃霸
邑隣陳太丘威德可資借決事不遲疑敏手擘秦華頗復
集紅衣呼僚飲休假歌梁韻金石舞地委蘭麝寄我五字
詩句法窺鮑謝亦嘆薄頌勞行欲問田舍相期黃公壚不
異秦人炙我初無廊廟身頭執耕稼今將荷鋤歸區芋畦
其蔗觀君氣如虹千輩可陵跨自當出懷壁往取連城價

賜地買歌僮珠翠羅廣厦富貴不相忘寄聲相慰藉

奉送時中攝東曹掾

公退蒲團坐後亭短日松風吟萬籟黃葵紫菊委榛叢雪
梅靚粧欲無對遣騎相呼近清樽言君曉鼓前征旆蒼崖
按轡虎豹號野水呼船風雨晦昨日歸來有行色未曾從
容解冠帶府中奪我同官良簡書趣行將數輩王事君今
困馬鞍田園我亦思牛背安得歸舟載月明盧鷺白鷗爲
友生一身不是百年物五湖無邊萬里行欲招蓑笠同雲
水念君未可及吾盟富於春秋貌突兀睥睨滿世收功名
參軍雖卑獄司命多由陰德至公鄉鎮願折額秦相國不
滿三尺齊晏嬰丈夫身在形骸外俗眼那能致重輕

次韻和荅孔毅甫

鵬飛鯤化未即逍遙游龍章鳳姿終作廣陵散溢浦鑪邊
督數錢故人陸沉心可見氣與神兵上斗牛詩如晴雪濯
江漢把詠公詩盪且開旁無知音面墻歎我今廢書迷簿
領魚蠹筆鋒蛛網硯六年國子無寸功猶得江南萬家縣
客來欲語誰與同令人熟寐觸屏風竊食仰愧冥冥鴻少
年所期如夢中江頭酒賤樽屢空南山有田歲不逢相思
夜半涕無從千金公亦費屠龍

再用舊韻寄孔毅甫

鑿中之髮蒲柳望秋衰眼中之人風雨俱星散往者託體
同青山健者漂零不相見庾公樓上有詩人平生落筆寫
河漢置驛勤來索我詩自說中郎識元歎我方凍坐酒官
曹爲公然薪炙冰硯不解窮愁著一書豈有文章名九縣
奴星結柳送文窮退倚北窻睡松風太阿耿耿截歸鴻夜
思龍泉號匣中斗柄垂天霜雨空獨鴈叫群雲萬里何時
握手香爐峰不看寒泉濯臥龍

寄題安福李令適軒

琳宮接叢霄淥水連翠微幽花露林薄好鳥娛清輝道人
勤洒掃令尹每忘歸孝慈民父母虎去蝗退飛來思僚友
同歌舞醉紅衣定知與民樂吏廩吾民肥

寄題安福李令先春閣

宮殿繞風煙江山壯城郭令君毓桃李面春筴飛閣春至
最先知雨露偏花藥是日勸農桑冰銷土膏作弦歌出縣
齋褻回問民瘼鷄犬聲相聞嬰此簿領縛安得携手嬉烹
茶煨鴨脚

和孫公善李仲同金櫻餌唱酬二首

人生欲長存日月不肯遲百年風吹過忽成甘蔗滓傳聞
上世士烹餌草木滋千秋垂綠髮每恨不同時李侯好方
術耐後探神奇金櫻出皇墳刺索覓霜枝寒窻司火候古
鼎凍膠飴初嘗不可口醇酒和味宜至今身七十孺子色
不衰田中按耘鉏孫息親抱持却笑鄰舍公未老須杖藜
假守富春公秋豪聽民詞夙夜臨公廳歸臥酸體肢李侯
來饋藥期以十日知深中護靈根金鑠祕玉笱不須許芥
子辛勤來玉芝我方困健訟搯翁爭一錐不能鳴弦坐頗
似巫馬期敢乞刀圭餘歸和卯飲卮儻令憂民病從此得
國醫

寄題安福李令愛竹堂

淵明喜種菊子猷喜種竹託物雖自殊心期俱不俗千載
得李侯異世等風流為官恐是陶彭澤愛竹最知王子猷
寒窻對酒聽雨雪夏簟烹茶臥風月小僧知今不凡材自
掃竹根培老節富貴於我如浮雲安可一日無此君人言
愛竹有何好此中難為俗人道我於此物更不疎一官窘
束何由到

二月二日曉夢會於廬陵西齋作寄陳適用

燕寢著鑪香惜七閑窻闌夢到郡城東笑談西齋月行樂
未渠央苦遭晴鳩聒江郡梅李白士女嬉城闌聞道潘河
陽滿城花秀發頗留載酒車共醉生塵鞅想見舞餘姿風
枝斜蠶髮鄙夫不舉酒春事亦可悅雨足肥菌芝沙暄饒
筴麻海牛壓風簾野飯薰僧鉢飽食愧公家曾無助毫末

勸鹽推新令。王欲惇獨活。此邦淡食儉。儉陋深刺骨。公困積山丘。賈豎但主撮。縣官恩乳哺。下吏用鞭撻。政恐利一源未塞。兔三窟寄聲賢令尹。何道補黥刑。從來無研桑。顧影愧簪笏。何顏課殿上。解綬行采葛。

次韻周德夫經行不相見之詩

春風倚樽俎。綠髮少年時。酒膽大如斗。當時淮海知醉眼。槩九州。何嘗識憂悲。看雲飛翰墨。秀句詠蛛絲。樂如同隊魚。游泳清水湄。波濤倏相失。歲月秣馬馳。客事走京洛。鄉貢趨禮闈。艱難思一臂。講學抱群疑。邂逅無因得。君居天南陲。誰言井底坐。忽枉故人詩。清如秋露蟬。高柳噫衰遲。感歎各頭白。民生竟自癡。過門不我見。寧復論前期。杯酒良難必。况望功名垂。吉寺卿丈人。收感犬生斃。綠柳陰陰。

閣紅蓮媚官池。開軒納日月。高會無吏譏。琵琶二十四。明粧百騎隨。為公置樂飲。纔可慰路岐。矧公妙顧曲。調笑才不羈。幕中佳少年。多欲從汝嬉。人事喜乖悟。曾莫把一庖。朝雲高唐觀。客枕勞夢思。主翁悲琴瑟。生憎見蛾眉。君亦聯坎珂。有句怨棄遺。夜光暗投人。所向蒙詆嗤。相思秋日黃。西嶺含半規。老矣失少味。尚能詩酒為。忽解扁舟下。何年復來茲。寄聲緩行李。激箭無由追。

寄傅君倚同年

有情清江水。水東下投豫章故。入江上居不寄書。一行相思對明月。談笑如清光。向風長歎息。孤鴻起寒塘。傾寫鬱結懷。因之東南翔。姑氏有淑質。幽林蘭靜芳。願因奉箕箒。顏藻羞蒸嘗。念君方策名。要津邁騰驤。引車入里門。觀者塞

路旁邕上求匹好羔鴈委潘揚碩惟蓬茅陋豈能屈東床
眷言南鳴鴈七子伊在桑幸緣一日雅結好永不忘

次韻章禹直魏道輔贈荅之詩

我老倦多故心期馬少游願為春眠蠶吐絲自綢繆翻
魏公子閱世無全牛吹噓鼓萬物領袖傾九流昨來懷白
璧往撼西諸侯中丞文武將良非衛霍侔誓開河源地書
作禹貢州壯士捐軀死鯨鯢尚吞舟客心無一寸草食隨
百憂故人道舊語末路非前籌重來滕王閣楓葉江上秋
章子飽經術賦詩如曹劉太學得虛名權勢殊未允禍機
發無妄對吏抵搶頭遇逢權權鼓赦帝澤萬邦休章江三年
拘解裝賣莫愁嚴姬泣一悔生故難豫謀避近識面晚困
窮理相收夜語倒樽酒參旌偃風旒兩公但取醉古今共

高丘

次韻道輔雙嶺見寄三疊

明如九井璜美如三危露正觀魏公孫今來功名誤兒時
漢南柳搖落傷歲暮時不與我謀義和促天步生涯魚吹
沫文彩豹藏霧人言壺公老渠但未得趣飲酒入壺中茫
然失巾屨時不與我謀今君向何處蓮塘倒箭欵桂影涼
一作霜兔平生知音地地下無尺素十夜九作夢虜乘驚
沙度時不與我謀征西枕戈去

次韻道輔旅懷見寄

歲華其將脫霜葉不可風生理魚乞水歸心鳥飛空風塵
化衣里旅宿夢裙紅人言家無壁自倚筆有鋒轉蓬且半
歲交臂各衰翁扁舟去日遠明月與君同露晞百羊駛麟

獲萬事窮裝懷酒澹淡塞意霧空濛諸公尚無恙不見陳元龍

寄餘干徐隱甫

江行長遭回風水憂索米相逢解人頤豪士徐孺子鷓鴣葭葦間莫若當酌醴夜船餉蒸鵝白髮厭甘旨東江始分風苔網饋百紙遣兵夜賦詩月冷石齒齒別來星環天再見艷桃李寄聲良勞動報戎闕雙鯉但聞佳邑政柵械生菌耳頰聞知諸儒破頰頰顧予白下邑庭聚雨前蟻珥筆誦漢章錐刀爭未已初無得民具名實正尔尔願聞庖丁方江湖天到水遙知解千牛袖手笑血指書來儻垂教一作吾改事從此始

次韻秋郊悅望

道同一指馬心解廢耳目短生行哀謝謝落看草木無世不知有酒客可速誰能縛詩書關門抱羈獨披襟臨江臯萬籟發空谷風力斜鴈行山光森雨足壁蟲先知寒機織日夜促居人思行人裘褐誰結束行人喜歸來邂逅天從欲可柰甌生塵嚴霜凍杞菊

八月十四日夜刀坑口對月奉寄王子難子聞適

用聞郡中數月未嘗有燕游

去年對月廬陵郡醉留歌舞蹋金沙今年今夕千峯下新磨古鑿動菱花寒藤老木被光景深山大澤皆龍蛇西風為我奏萬籟落葉起舞驚棲鴉遙怜城中二三友風流慣醉玉釵斜今夕傳杯定何處應無二十四琵琶

贈王環中

丹霞不翊長安道。生涯蕭條破席帽。囊中收得劫初鈴。夜
靜月明師子吼。那伽定後一爐香。牛沒馬回觀六道。耆域
歸來日未西。一鉏識盡婆娑草。

戲和于寺丞乞王醇老米

君不見公車待詔老。談諧幾年索米長安街。君不見杜陵
白頭在同谷。夜提長鏡掘黃獨。文人古來例寒餓。安得野
糞成鹽。天雨粟。王家圭田登幾斛。于家買桂炊白玉。

贈朱方李道人

顴骨橫穿壽門。過年比數珠。剩三顆。橫吹鐵笛如怒雷。國
初舊人唯有我。

戲題曾處善尉廳二首

維時啄鴈如鴛鴦。萬里天衢且一波。宮錦絡衫弓石八。與

人同狀不同科。超然臺

茅茨中安一床。寂天女元非世間色。道人今日八關齋。莫

散花來染衣。祴不動

寄上高李令懷道

李侯湖海士。瓜葛附婚友。平生各轉蓬。未曾接樽酒。寄聲
維勞動。江路常永久。節物居然秋。蛻蟲悲高柳。傳聞闕學
館。鼓士薦豚韭。能使珥筆黔。稍知忠信有。矯虎縮爪。踞詩
禮。開戶牖。事勝感邦人。伐山謀不朽。武功筆如椽。文字爛
瓊久。謂予有書癖。摹篆寫科斗。不珍金石刻。要我一揮肘。
安知乃兒戲。敢傳萬世後。摩拂幼婦篇。慙非換鵝手。公其
勤勞來嘉政。民父母不用琢蒼崖。豐碑在人口。

謝文顯元豐上文藁

虎豹文章非一斑。乳雉五色蜃胎寒。天生材器各有用。相
如名獨重太山。風流小謝宣城後。少年如春膽如斗。裕陵
書葉公不朽。持心鐵石要長久。

讀方言

八月梨棗紅。繞墻風自落。江南風雨餘。未覺衣衾薄。壁蟲
憂寒來。催婦織衣去。著_音荒畦。杞菊花猶用。充_音葵臠。連日
無酒飲。令人風味惡。頗似揚子雲。家貧官落魄。忽聞轎軒
昔澁讀勞輔。齧虛堂漏刻。用九土可領略。願多載酒人。喜
我識字博。設心更自笑。欲_音登門。嚼_音往時抱。絰綸待價一
丘壑。卜師非能罷。夢相解靡索。所欲吾未吝。黨_音使耕可獲。
今年美年麥。厨饌豐餅拓。厚_音抄腹中書。安知非糟粕。

送昌上

昭覺堂中有道人。龍吟虎嘯隨風雲。雨花經席冷如鐵。一
滕日轉十二輪。寶勝蓬高荒小院。理沒醯羅三隻眼。箇是
江南五味禪。更往叅尋莫擔板。

送彥孚主簿

斯文當兩都。江夏世無雙。叔度初不言。漢庭望風降。中間
眇人物。潛伏老崆峒。_{許江}本朝開典禮。棫_音樸作株椿。世父
感文藻。如陸海潘江。三戰士皆北。鞬弓錦韜紅。白衣受傳
詔。短命終螢窻。夢升臥南陽。耆舊無兩龐。空饒歐陽銘。松
風悲隴瀧。黯四海群從。間尔來頗瑋。_{士耕}淙_反主簿吾
宗秀其能。任為邦。驅幹雖眇小。勇沉鼎可扛。擇師別陳許。
取友觀羿逢。折胥佐髯令。邑訟銷吠_音尤。時邀府中飲。下箔
蠟燒缸。紅裳笑千金。清夜酒百缸。同僚有惡少。嘲謔語亂

唯君但隱几笑諸老嘆敦龐况迺工朱墨氣和信甚砥持
此應時須十年擁麾幢相逢常執掌衙鼓趨藜藜音簿簿書
敗清談汗顏吏樅樅音臨分何以贈要我賦蘭茝黃華雖
衆笑白雪不同腔野人甘芹味敢饋厭羊羜顧余百短拙
飽腹鱘脍音脰音反音維思解官去一丘事耕稼音君當取
富貴鍾鼓羅擊撞伏藏黽臚徃猶想足音聲

寄朱樂仲

故人昔在國北門鄰舍杖藜對樽酒十五餘年乃一逢黃
塵急流語馬首懶書愧見南飛鴻君居三十六峯東我心
想見故人面曉雨垂虹到望崧

從王都尉覓千葉梅云已落盡戲作嘲吹笛侍兒
若爲可耐昭華得脫帽看髮已微霜催盡落梅春已半更

吹三弄乞風光

次韻子瞻書庭經尾付寒道士

琅函絳簡藥珠扁寸田尺宅可斬仙高真接手玉宸前女
丁來謁粲六妍金鑰閉欲形完堅萬物蕩盡正秋天使形
如是何塵緣蘇李筆墨妙自然萬靈拱手書已傳傳非其
人恐飛騫當付驪龍藏九淵蹇侯奉告請周旋絳蕭探手
我不眠

次韻叔父夷仲送夏君玉赴零陵主簿

田實堂上酒未醉已變態何如東陵瓜子母相鈎帶富貴
席未暖珠玉作災怪茅茨雖長貧終有懿親在丈人困州
縣短髮餘會最居然枳棘棲坐閱歲月代青雲已迷津濁
酒未割愛簿領能無休飭餼喚魚菜羈旅苦地福江湖見

天大萬里一帆檣長風可倚賴因行訪幽禪頭陀煙雨外
謝曹子方惠二物二首

飛來海上峯琢出華陰碧注香上裊裊映我鼻端白聽公
談昨夢沙暗雨矢石今此非夢耶煙寒已無迹博山

短喙可候煎枵腹不停塵雙眼時探穴龍文已碎身茗椀
有何好煮餅被寵珎石交諒如此湔袞長日新煎茶

送曹子方福建路運判兼簡運使張仲謀

曹侯黃須便弓馬從軍賦詩橫梁間阿瞞文武如兕虎遠
孫風氣猶斑斑昨解弓刀丞太僕坐看收駒十二閑遠方
不異輦轂下詔遣中使哀憫解吾聞斯民病鹽策天有雨
露東南乾謝君論河秉禹貢詰難蠹起安如山老郎不作
愚失計凜然宜善侍臣冠願公不落謝君後江湖以南尚

少寬百城閱人如閱馬泛駕亦要知才難鹽車之下有絕
足敗群勿縱爲國殘官焙薦璧天解顏淪湯試春聊加飡
子魚通印蠟破山不但蕉黃荔子丹道逢使者漢郎官清
溪弭節問平安天子命我參卿事奮髯相對亦可歡迴波
一醉嘲栲栳山一作驛官梅破小寒

戲贈曹子方家鳳兒

東芽入湯師子吼荔子新剥女兒頰鳳郎但喜風土樂不
解生愁山疊疊目如點漆射清揚歸時定自能文章莫隨
閩嶺三年語轉却中原萬籟簧閩嶺一作阿母

題老鶴萬里心

仙人駕飛騎朝會白雲衢老驥不服乘清唳徹九虛野田
篁竹底毳毳伴雞息時因長風起猶欲試南圖

題韋偃馬

韋侯常喜作群馬，杜陵詩中如見畫。忽開短卷六馬圖，想見詩老醉騎驢。龍眠作馬晚更妙，至今似覺韋偃少。一洗萬古凡馬空，句法如此今誰工。

子瞻題狄引進雪林石屏要同作

翠屏臨研滴，明窻翫寸陰。意境可千里，搖落江上林。百醉歌舞罷，四郊風雪深。將軍貂狐暖，士卒多苦心。

和曹子方雜言

正月尾垂雲如覆，孟鴈詐斜行書。三十六陂浸煙水，想對西江彭蠡湖。人言春色濃如酒，不見插秧吳女手。冷卿小塢頤藏春，張侯官居柳對門。當風橫笛留三弄，燒燭圍棊覆九軍。盡是向來行樂事，每見琵琶憶朝雲。只今不舉城

眉酒紅牙捍撥網蛛塵，曹侯束書丞太僕。試說相馬猶可人，照夜白真乘黃萬馬同秣隨。低昂一矢射落皂鴈雙，張侯猶思在戎行。橫山虎北開漢疆，冷卿智多髮蒼浪。牛刀發矧思一邦，政成十綴舞紅粧。兩侯不如曹子方，朵頤論詩蝟毛張。龜藏六用中有光，何時端能俱過我。掃除北寺讀書堂，菊苗蕪餅深注湯。更碾盤龍不入香。

送張材翁赴秦篆

金沙醱醱春縱橫，提壺采留催酒行。公家諸父酌我醉，橫笛送晚延月明。此時諸兄皆秀發，酒闌乞書藤紙滑。北門相見後，十年醉語十不省。七八吏事袞袞談，趙張乃是樽前綠髮郎。風悲松丘忽三歲，更覺綠竹能風霜。去作將軍幕下士，猶聞防秋屯虎兕。只今陛下思保民，所要邊頭不

生事短長不登四萬日愚智相去三十里百分舉酒更若
爲千戶封侯儻來爾

摩詰畫

丹青王右轄詩句妙九州物外常獨往人間無所求袖手
南山雨朝川桑柘秋胸中有佳處淫渭看同流

和劉景文

追隨城西園殘暑欲退席夜涼雨新休城譙挂蒼壁佳人
携手嬉調笑忘日夕劉侯本將家今爲讀書客詩名二十
年風雅自推激牛鐸詞黃鍾新餘合琴瑟食無千戶封白
有萬人敵頗類鄴侯家連牆架書冊殘編汲縣豕半隸鴻
都壁渠成亦秦利願公多購獲竟須卜比鄰勞苦相飲食
身有小醜文已自喜翰墨要傳未見書遮眼差有益人生
但安樂券外豈吾力分鹿誰覺夢亡羊路南北公今百寮
底雪髮不勝憤愛公欲渝拂願我已頭白

寄忠玉提刑

市骨斲千里量珠買娉婷驚駘參逸駕西子泣深屏吾人
材高秀胸次別渭涇嚴能喜劇部持節按祥刑萑蒲稍衰
息郡縣或空囹讀書頭愈白見士眼終青今時斤斧地虛
次待發硯早晚紫微禁占來有使星

送呂知常赴太和丞

我去太和欲暮矣呂君初得太和官邑中亦有文字樂惜
不同君澗谷繁觀山千尺夜泉落快閣六月江風寒往尋
佳境不知處掃壁覓我題詩看

和荅莘老見贈

往歲在辛丑從師海瀕州外家有行役拜公古邦溝兒曹
被鑒賞許以綜九流仍許歸息女采蘋助春秋斯文開津
梁盛德見虛舟離合略十年每見仰清修久次不進遷天
祿勤校讎文武脩家職諫垣始登收身趨鄭公城逐臣既
南浮變彼丞中饋家庭供百羞堂堂來問寢忽為雲霧休
遺玩猶在篋汝水遠墳丘南箕與北斗日月行置郵相逢
輦轂下存沒可言愁當午小兒女生子欲勝表既越委琴
瑟江湖拱松楸持節轉七郡治功無金牛還朝蒙嗟識明
月豈暗投抱被直延閣疎簾近奎鈞三生石上夢記是復
疑不隱几付天籟閔人如海鷗襟懷俯萬物顏鬢與百憂
長歌可當泣短生等蜉蝣悲歡令人老萬世略同流軒冕
未逼身白蘋晚滄洲復拂知道肥淨室見天游小人樂蛙
井癡甚願虎頭世緣真嚼蠟骨相謝封侯松根養茯苓
晏望革鞞

老杜浣花谿圖引

拾遺流落錦官城故人作尹眼為青碧雞坊西結茅屋百
花潭水濯冠纓故衣未補新衣綻一作淨胸中書萬卷
探道欲度羲皇前論詩未覺國風遠干戈崢嶸一作終暗
寓縣杜陵辛曲無雞犬老妻稚子且眼前弟妹飄零不相
見此公樂易真可人園翁溪友肯卜鄰鄰家有酒邀皆去
得意魚鳥來相親浣花酒船散車騎野塲無主看桃李宗
文守家宗武扶落日蹇驢馱醉起願聞解鞍脫兜鍪老儒
不用千戶侯中原未得平女報醉裏眉攢一作清萬國愁
生綃鋪牆粉墨落平生忠義今寂寞兒呼不蘇驢失脚猶

恐醒來有新作常使詩人拜畫圖膠續絃千古無

奉謝劉景文送團茶

劉侯惠我大玄璧上有雌雄雙鳳跡鵝溪水練落春雪粟
面一杯增目力劉侯惠我小玄璧自我半壁煮瓊糜收藏
殘月惜未碾直待阿衡來說詩絳囊團團餘幾壁因來送
我公莫惜箇中涓羌飽湯餅雞蘇胡麻煮同喫

謝景文惠浩然所作延珪墨

延珪質墨出蘇家麝煤添澤紋烏鞞柳枝瘦龍印香字十
襲一日三摩挲劉侯愛我如桃李揮贈要我書萬紙不意
神禹治水圭忽然入我懷袖裏吾不能手抄五車書亦不
能寫論付官奴便當閉門學水墨灑作江南驟雨圖

奉和公擇舅氏送呂道人研長韻

奉月玉壺冰立朝朱絲絃妙資寄郢匠素心乃林泉力耕
不罪歲嘉穀有逢年校書天祿閣藝竹老風煙提携寒泉
泓松煤厭磨研籍甚在臺省六經勤傳箋諫草蠹穿穴江
湖渺歸舫春官酌典禮日月麗秋天少也長母家學海頗
尋法諸公許似舅賤子豈能賢轅駒豕推挽官次奉丹鉛
新詩先舊物包送比青氈繆傳黃梅鉢未印少林禪汲井
滌敗墨蒼珪謝磨鑄玉蟾瀉明滴要須筆如椽眷永盡耆
德舅氏旦進遷山龍用補袞舟楫功濟川當身任百世舊
學不虛捐私持殺青簡緝綴報餐錢屢書願無愧儻繼麟
趾篇

再和公擇舅氏雜言

外家有金玉我躬之道術有衣食我家之德心使我蟬蛻

俗學之市烏嘯仁人之林養生事親沈師古炊玉爨桂能
至今歲莫三十裹食口三百指寒不緝江南之落毛飢不
拾狙公之橡子平生荆雞化黃鵠今日江鷗作樊雉人言
無忌似宰之挽八書林覩文字更蒙著鞭翰墨場贈研水
蒼珪玉方蓬門繫馬晚色淨茅簷垂虹秋氣涼湔拂垢面
生寒光漢隸書呂規其陽呂翁之冶與天通不但澄淫燒
鉛黃初疑蠻溪水中骨不見鸚鵡目突兀但見受墨無聲
松花發頗似龍尾玳紫烟不見羅縠紋粼粼但見含墨不
泄如寒淵往在海瀕時晨夕親几杖恪居有官次遣吏問
無恙撫摩寶泓置道山鬱鬱秀氣似鬚眉字問其重可以
回進躁之首其温可以解橫逆之顏烏虜端是萬乘器紅
絲潭石之際知寸維

次韻答王四

病懶百事廢不惟書問跡新詩苦招喚是日鎖直廬滿汗
深一尺大道覆行車晴夜遙相似秋堂對望舒

題畫鵝鴈

鴛鵝引頸回似我曾中字右軍數能來不爲口腹事
水國鴻鴈秋烟沙風日麗莫遣弓角鳴驚飛不成字

送六十五弟賁南歸

風驚鴻鴈行吹落秋江上爲掃碧巖邊問叔今無恙

贈陳師道

陳侯學詩如學道又似秋蟲噫寒草日晏腸鳴不悅眉得
意古人便忘老君不見向來河伯負兩河觀海乃知身一
蠶旅床爭席方歸去秋水黏天不自多春風吹園動花鳥

霜月入戶寒皎皎十度欲言九度休萬人叢中一人曉貧
無置雖人所憐窮到無雖不屬天呻吟成聲可管絃能與
不能安足言

松下淵明

南渡誠草草長沙慰勤艱終風霾八表半夜失前山
句云平坐一杯酒政在管葛間遠公香火社遺民文字禪雖非老翁事清
尚亦可觀松風自度曲我琴不須彈客來欲開說觴至不
得言

十四弟歸洪州賦莫如兄弟四章贈行

惱人自作樂休休莫莫相看將白頭止有不如非
北來哺慈烏南歸護爾雛昨夜雲飛鴈相隨我不如
志欲收九族別離乃司生誰能成此意唯有孔方兄

大夫無恙時刻意教子弟歸掃松楸下流我萬里涕

題李夫人偃竹

孤根偃蹇非傲世勁節癭枝萬壑風閨中白髮翰墨手落
筆乃與天同功

贈吳道士

吳仙十二碁一擊玄關應探入懷中事如月入清鏡

戲荅仇夢得承制

仇侯能騎矍鑠馬席上亦賦競病詩玄冬未雷蒼蛇臥玉
山無年天馬饑三年荷戈對搖落十倍乞弟亦可縛何如
萬騎出河西捕取弄兵黃口兒

和任夫人悟道

夫亡子幼如月魄摧盡蛾眉作詩客二十餘年刮地寒見

兒成人乃禪寂萬事新新不留故瘦藤六尺持門戶煩惱
林中即是禪更向何門覓重悟

豫章黃先生外集第四

